

ÖREIGAR ALLRA LANDA SAMEINIST!

LIFI MARXISMINN - LENINISMINN - HUGSUN MAOS TSE TUNGS!

Stéttabaráttan

Málgagn Kommúnistaflokks Íslands m-l

1 tbl.6. árg. 1977



Verð
100 kr.

GERIST
ASKRIFENDUR!
Stéttabaráttunni

KJARASKERÐING LAUNÞEGANS GRÓÐI ATVINNU- REKANDANS

Nokkrar staðreyndir

Í skýrslu Þjóðhagsstofnunar fyrir árið 1976 kemur í ljós að á síðasta ári jókst vöruútflutningur um 16-18% samhliða því sem miklar hækkanir urðu á íslenskum fiskafurðum erlendis. Verðmætaaukning útflutningsins er áætluð af Þjóðhagsstofnun um 38%. Ut frá þessu gerir Þjóðhagsstofnun ráð fyrir 3% aukningu þjóðartekna og áframhaldandi aukningu á næsta ári.

En þrátt fyrir þetta segir í sömu skýrslu: "Að kaupmáttur kaupaxta allra launþega verði að meðaltali u.þ.b. 4% minni í ár en fyrra". Miðað við vísir-

tölu vöru og þjónustu eru ráðstöfunartekjur heimilanna enn fremur sagðar minni, eða um 1% minni en í fyrra.

Í þessum tölum Þjóðhagsstofnunar er gert ráð fyrir að launin haldi í við verðbólguna en að sjálfsögðu er það hrein þvæla. Ef laun verkafólks ættu að ná sama kaupmætti og 1. mars 1974 þyrftu þau að hækka um 30%.

Þessar tölur sýna svart á hvítu að á seinasta ári jókst gróði atvinnurekenda og útflytjenda geysilega mikið, á sama tíma og laun launþega var þvingað niður á við með óhemjulegri verðbólgu og þyngri skatt-

lagningu.

"Launin hækki í hlutfalli við þjóðartekjur"

Á krepputímabilum undanfarinna ára hefur ekki linnt áróðri borgaraflokkanna um nauðsyn þess að allir hertu sultarólina og verkalýðshreyfingin tæki tillit til minnkðra þjóðartekna og drægi úr kaupkröfum. Þessu lýðskrumi atvinnurekenda var tekið fagnandi hendi af leiðtogum Alþýðusambandsins. Við munum þann söng. Nú er þessari alræmdu kökukenningu ekki hæmpað eins

FRAMHALD BL.3.

Nýtt fiskverð kjaraskerðing

Fiskverð hefur verið ákveðið og er hækkan þess sögð vera að meðaltali um 9%. Raunveruleg hækkan á skiptaverðmæti er þó mun minni því í hæstu flokkunum er stórfiskur sem varla sést í afla núorðið. Það er eftirtektarvert að á meðan verð á þorski hækkar um 9% hækkar ufsa- og karfaverð mun minna (um 4-5%). Er því lítið fylgt eftir þeirri fiskverndunarstefnu í verlagsákvörðunum sem ráðherrar guma á á tyllidögum.

Þessi fiskverðsákvörðun nú staðfestir það álit starfandi sjómanna að lækkan skipta-prósentunnar myndi bitna mjög á kjörum þeirra. Í fyrra var reynt að breiða yfir það með stórhækkuðu fiskverði hver kjararárnrún fólst í þessari breytingu en nú er komið í ljós að sú verðhækkan var aðeins bragð til að draga úr baráttuhug sjómanna á meðan lækkan skipta-prósentunnar var barin í gegn með bráðabirgðalögunum 6. sept.

Vegna þess að "gengissig" krónunnar á árinu hefur verið mun meira en þessari hækkan nemur eykst gróði fiskkaupenda mjög við þessa verðákvörðun því verðlag á fiskafurðum á erlendum mörkuðum hefur stórhækkað að undanförunu (í sumum tilfellum um meiri en 50%).




Samstaða sjómanna og landverkafólks er forsenda þess að sjómönnum takist að bæta kjör sín.

Einokunarherrarnir virðast telja að samstaða sjómanna sé svo léleg og baráttuhugur þeirra líttill vegna lagasetningar Matthíasar að nú láti þeir bjóða sér hvað sem er. En þeim skjátlást verulega í því efni og

munu sjómenn ekki sitja lengi undir því að kjör þeirra séu stórskert á sama tíma og gróði útflytjenda hefur aldrei verið meiri.

RvÍk. 10.1 1977/-



Raforkuverð hækkar vegna stóriðjunnar

Að undanförunu hafa dunið yfir miklar hækkanir á rafmagnsverði-til neytenda. Aðalorsakir þessara hækkana eru sagðar vera erlendar skuldir sem þurfi að greiða, skuldir sem stofnað var til vegna bygginga raforkuvera, einkum Búrfells og nú síðast Sigöldu. (Þess ber að geta að Kröfluævintýrið er enn ekki farið að gæta í verði rafmagns en ríkisstjórnin mun hafa í hyggju að koma á nýjum nefskatti svonefndum "orkuskatti" til að greiða þær framkvæmdir.)

En hvornig skyldi standa á því að þessar framkvæmdir eru svona kostnaðarsamar? Ástæðunnar er fyrst og fremst að leita í þeirri markvissu stefnu ríkisvaldsins að raforkuver skuli þjóna þeim tilgangi að byggja upp stóriðnað sem einokunarhringar standa að. Vegna þess að kostnaðarverð raforkunnar er meira en erlendu auðhringarnir er reiðubúin til að borga fyrir hana er gripið til þess ráðs að láta íslenskt alþýðufolk borga bæði kostnað við byggingu virkjananna og stærstan hluta af framleiðsluverði orkunnar með herra orkuverði. Á meðan auðhringarnir Aluswiss og Elkem Spiegelverket greiða aðeins um krónu fyrir hverja kílóvattstund eru aðrir neytendur látnir borga allt að tífalt meira. Og enn hefur iðnaðarráðherra samþykkt nýja virkjun sem reist skuli verða og rekin með svipuðu sniði og hinar fyrri. Um áramótin heimilaði ríkisstjórnin Landsvirkjun að hefja byggingu Hrauneyjarfossvirkjunar sem verði 210 Mw, byggð í áföngum og skal fyrri áfanga (140Mw) vera lokið 1981. (Til samanburðar má nefna að Búrfellsvirkjun er 220Mw, Sigalda 150 og Krafla var áætluð um 60Mw). Áætlaður kostnaður við þessa nýju virkjun er um 15-20 milljarðar. Hér er því ekki fylgt þeirri stefnu "aðhalds- og ítrasta sparnaðar" sem forsætisráðherrann hefur boðað þjóðinni grafalvarlegur í fjölmiðlum síðustu tvö ár. Offjárfestingar atvinnuveganna hljóta óhjákvæmilega að auka verðbólguna og lækka laun vinnandi fólks í landinu nema hörð baráttu þess komi á móti. Kapitalistarnir vilja ekki láta skerða gróða sinn. Við höfum skýrt dæmi um það frá síðustu árum þar sem eru togarakaupin. Þess vegna verður allt vinnandi fólk að taka höndum saman og berjast gegn þeirri offjárfestingu og soun náttúruauðlinda sem kemur fram í virkjunar framkvæmdum þessum.

Spár um orkuþörf gefa til kynna að alls ekki sé þörf fyrir svo stóra virkjun eins og Hrauneyjarfossvirkjun til að fullnægja orku eftirspurn a. m. k. næsta áratuginn. Því er augljóst að þessi virkjun er fyrst og fremst í þágu stóriðnaðar. Stækkun álversins í Straumsvík (þ.e. II og III áfangi) mun sennilega krefjast um 100Mw afls, en að auki eru uppi aðrar stóriðjuhugmyndir sem styttra eru komnar í framkvæmd. Að stækkun álversins lokinni munu Aluswiss og Elkem Spiegelverket semmilega nýta um 2/3 af heildarraforkuframleiðslu landsins. Er orkunotkun þessara aðila á ári talin verða 2650 gígawattstundir en orkunotkun landsmanna 1975 (álverji ekki tekið með) var um 1140 gígawattstundir.

Þannig eykst sífellt hlutur stóriðjunnar í heildarraforkuneyslunni, en það hlýtur eðli sínu samkvæmt að hafa í för með sér síhækkandi rafmagnsverð til alþýðufólks ef ekki verður spynt við fótum.

ih/-

Stéttabaráttan vikublað



Stéttabaráttan I. tbl.
6. árg. 18/1. 1977.

Abyrgðarm: Sigurður I. Andrússon.
Graf: 27810

Leið sundrung- arinnar

Nokkrir félagar Kommúnistaflokksins hafa sagt sig úr flokkinum. Meginregla hins lenínísta'ska skipulags: "Einstaklingurinn hlíti félagsheildinni, minnihlutinn hlíti meirihlutunum, lægri einingar hlíti þeim sem yfir þær eru settar og allir félagar hlíti miðstjórninni" reyndist þessum félögum um megn. Þeir hafa valið leið sundrunarinnar og gert sig seka um alvarlegt brot gegn aga og skyldum kommúnista. Brotthlaup þeirra er sérlega bagalegt þar sem flokkurinn er að takast á við útofu Stéttabaráttunnar sem vikublaðs. En þrátt fyrir að nokkuð skarð hafi verið höggvið í raðir íslenskra marxista-lenínista, mun kommúnistaflokkurinn ekki hika frá ætlunarverki sínu. Lögmál flokksbyggingarinnar um að flokkurinn styrkist við að losa sig við tækifærisstefnuna, gildir jafnt um skipulag hans sem stefnu. Þess vegna verða félagar flokksins að sameinast um

reglugerð og stefnuskrá flokksins og heyja baráttu gegn hvers kyns hentistefnu í skipulaginu, í þeim tilgangi að styrkja flokkinn. Kommúnistaflokkurinn hvetur þessa féлага til að endurskoða afstöðu sína og gera upp við tækifærisstefnu sína, í því skyni að efla flokkinn. Sundrungin er meinsemd, sem stéttaróvinurinn einn hefur hagsmuni af. En brotthlaup þessara féлага mun ekki sundra flokkinum, hið lenínísta skipulag leggur áherslu á kommúnísta eiginleika starfsins fyrst og fremst, en ekki fjölda flokksfélaganna. Það sem veitir Kommúnistaflokkinum styrk, er fyrst og fremst rétt stefna hans, en ekki fjöldi félaganna. Þess vegna er sameining flokksins um stefnuskrána og lýðræðislegar umræður á grundvelli hennar, trygging fyrir eflingu hans. Vafalaust munu fjandmenn flokksins hlakka yfir brotthlaupi þessara féлага og reyna að gera sér mat úr sundrungaraðgerð þeirra. En allir þeir sem raunverulega vilja vinna að sameiningu marxísku-lenínísku hreyfingarinnar á Íslandi í einn öflugan Kommúnistaflokk, hljóta að fordæma aðgerðir þeirra. Allir sem velja leið sundrungarinnar og flýja baráttuna fyrir sameiningu íslenskra marxista-lenínista, með því að sundra KFÍ/ML eða öðrum marxískum-lenínískum samtökum, eru að brjóta gegn sameiningunni. Sameining íslenskra marxista-lenínista gerist á skiplagðan hátt, með meðvitaðri ákvörðun um sameiginlega samstarfsáætlun til sameiningar.

KFÍ/ML hefur sent frá sér ákveðna afstöðu til sameiningar íslenskra marxista-lenínista, en hún er birt í síðasta tbl. Stéttabaráttunnar. Við ítrekum enn frekar hvatningu okkar til EIK m-l að láta af sundrunarstarfi sínu og standa við þá sameiginlegu ákvörðun sem gerð var í apríl á síðasta ári. Við birtum þessa sameiginlegu ákvörðun hér í blaðinu aftur því hún er eini raunverulegi grundvöllurinn að sameiningu íslenskra marxista-lenínista.

Verkalýðsstéttin getur ekki treyst þeim sem velja leið sundrungarinnar. Allir íslenskir marxistar-lenínistar ættu að hlýða hinu mikla kalli Maó formanns: "Sameinist en sundrist ekki, verið opin-ská og heiðarleg og takið ekki þátt í baktjaldamakki eða samsærum, iðkið marxisma-lenínisma en ekki endurskoðunarstefnu."

9. janúar 1977

HVERNIG KEMST ÞÚ Í SAMBAND VIÐ KOMMÚNISTAFLOKK ÍSLANDS/ML?

Miðstjórn: Pósthólf 1357
Reykjavík, einnig í síma 27810
Ritstjórn Stéttabaráttunnar og
Rauða Fánans:
Pósthólf 1357, sími 27810
á opnunartíma Rauðu
Rauðu stjórnunnar. Lindarg. 15 Fjarðarstræti 7.

Akureyri: Nanna Rögnvaldsd.
Byggðavegi 88.
Suðurnes: Jónas H Jónsson
Holtsgötu 26. Njarðvík,
sími 2641
Hafnarfjörður: Fjola Rögn-
valdsdóttir, Reykjavíkur-
vegi 24.
Neskaupstaður: Messíana
Tómasdóttir, Filjuvöllum 38.
Snæfellsnes: Sigfús Almarsson
Hellisbraut 10. Hellissandi.
Ísafjörður: Kristinn Karlsson
Fjarðarstræti 7.

Aður birt apríl 1976.

Sameiginleg yfirlýsing miðstjórna KSML og EIK m-l

Síðan endurskoðunarsinnaklíka Krúseffs hrífsaði völdin í Sovétríkjunum og braut á bak aftur sósíalísmann þar, hefur heimsástandið gerbreyst. Við hlið hnignandi heimsvaldsstefnu Bandaríkjanna hefur nýtt heimsveldi myndast. Það seilist nú eftir heimsyfírráðum Nýja heimsvaldið er ungt að árum og gráðugt - það kúgar þjóðir A-Evrópu og heldur fjölmörgum löndum þriðja heimsins í arðránskóm sínum. Í hvert sinn sem bandarískir heimsvaldasinnar hopa á hæli, reyna Sovétríkin að efla ítök sín eða yfírráð, undir yfírskeyni "sósíalisma".

Sovétríkin eru nú ríki sósíal-heimsvaldastefnu og fasisma. En jafnhliða framvexti og hnignun þeirrar bandarísku, hefur þjóðfrelsis- og byltingarbaráttu alþýðunnar vaxið fiskur um hrygg, enda skapar upp-lausn og glundroði heimsvaldastefnunnar, henni hagkvæmt ástand. Byltingin er höfuðhreyfingin í heiminum nú á tímum. Spjótsodda hennar er fyrst og fremst að finna í löndum þriðja heimsins. Samkeppni risaveldanna-Sovétríkjanna og Bandaríkjanna hefur leitt til mikillar styrjalaðættu. Sovétríkin eru í sókn og stafar því nú meiri hættu af þeim. En milli risaveldanna ríkir ekki aðeins baráttu og vígbúnaðarkapphlaup, heldur einnig samvinna gegn alþýðu heimsins og baráttu hennar. Hún er hinsvegar tímabundin og víkjandi fyrir innbyrðis baráttu risaveldanna. Andstæður í heiminum eru bæði ósáttan-
legar andstæður milli kúgaðra og kúgaranna í sérhverju landi og eins milli sósíalísku ríkjanna og kúgaðra þjóða annars vegar og allrar heimsvaldastefnu hins vegar. Tilvist slíkra andstæðna og þróun þeirra, mun óhjákvæmilega leiða til byltingar. Mikil hættu er á styrjöld. Hið eina sem getur komið í veg fyrir hana er byltingarbaráttu verkalýðsins og alþýðunnar. Verði styrjöld mun hún leiða til byltingar.

II
Efnaleg og stjórnmálaleg kreppur dýpkar nú öðum á Íslandi. Í kjölfar hennar harðnar stéttabaráttan. Samtímis verða árásir heimsvaldastefnunnar

og risaveldanna á sjálfs-ákvörðunarrétt og sjálfræði Íslands æ harðlegar. Á Íslandi er auðvaldsþjóðfélagið löngu komið á síðasta skeið sitt - skeið heimsvaldastefnu og ríkiseinokunar. Einokunarauvaldið herðir sem óðast undirokunina og reynir með öllum ráðum að velta byrðum kreppunnar yfir á vinnandi fólk. Lífskjör eru stórlega skert, en borgaralegu flokkarnir, að alþýðubandalaginu meðtöldu, eru sem ávallt fyrir alsendis ófærir um að vekja, efla og leiða baráttu verkalýðs og vinnandi alþýðu. Enginn flokkanna ver heldur fjöldann fyrir ásælni hins erlenda auðvalds - þeir efla allir ríkisvald auðvaldsins og auðránskerfið. Einokunarauvaldið nær að svíkla hagsmuni alþýðunnar fyrir sinn hámarksgróða og það selur sjálfsákvörðunarréttinn hvert sinn sem hagar þess krefst. Þetta á við um aðildina að NATO, landhelgismálið og framkomu íslenskra fulltrúa á alþjóðavettvangi. Í skjóli einokunarauðvaldsins og borgaraflokkanna, spretta upp mismunandi "róttækar" endurskoðunarstefnur, til hægri eða "vinstri" eða þá ómengaður fasismi. Þetta spannar allt frá nasistaáróðri blaðsins "Staðreyndir", til trotskisma og róttæks orðagjálfs Fylkingarinnar.

III

Ofangreind þróun, innanlands og utan, er hröð. Eina svar verkalýðsins og vinnandi alþýðu við henni er sameining fjöldans á grundvelli stéttabaráttu gegn einokunarauðvaldinu, öðrum atvinnurekendum, ríkinu og hvers kyns aturhaldi, innlendu sem erlendu. Verkalýðsstéttin er eina forystuaflið sem leitt getur íslenska alþýðu út úr ógöngum auðvalds-skipulagsins og tryggt henni farsæla framtíð og sjálfsákvörðun í sósíalískri byltingu og við uppbyggingu sósíalísmans. En forysta verkalýðsins er nú í höndum endurskoðunarsinna og stéttasamvinnumanna. Hún hefur fyrir löngu sviðið lífs-hagsmuni stéttarinnar og gengið á mála hjá burgeisunum. Sú staðreynd að alþýðubandalagið þjónar beint eða óbeint hagsmunum ríkjandi stéttar og að flokkurinn hefur gert þingræðisbaráttuna að aðalatriði en kastað fjöldabaráttunni fyrir

róða, merkir einfaldlega að nýs forystuafli er þörf. Slíkt forystuafli framsækinna afla er marxískur-lenínískur kommúnistaflokkur. Flokkurinn berst gegn endurskoðunarstefnunni, sameinar íslenska marxista-lenínista og berst með fjöldanum fyrir fjöldann. Með þetta fyrir augum hafa KSML og EIK m-l hafið skipulegar umræður samtaka á milli og samvinna í afmörkuðum baráttumálum. Milli samtakanna er andstæður, bæði í meiri og minniháttar atriðum, en nokkru hefur þó skilað áleiðis síðustu mánuði. En opinskáar víðræður og samvinna á grundvelli jafnréttis og marxisma-lenínisma er eina færa leiðin til að yfirvinna andstæðurnar. Íslenskir marxistar-lenínistar geta ekki haft neina aðra hagsmuni en verkalýðsstéttin. Hagsmunir hennar eru ótvírætt eining kommúnista og smíði kommúnistaflokks. Stofnun og uppbygging kommúnistaflokks er mikilvægasta verkefni marxista-lenínista nú í dag. Miðstjórnir KSML og EIK m-l lýsa yfir vilja samtaka sinna til raunverulegrar sameiningar marxista-lenínista og skora á allt baráttufólk að efla þá viðleitni sem nú er ljós.

Gunnar Andrússon Formaður
Miðstjórnar KSML.
Ari Trausti Guðmundsson For-
maður Miðstjórnar EIK m-l.



ÚR BARÁTTUNNI

Fjöldauppsagnir hjá Breiðholt h/f

80 starfsmönnum Breiðholts h/f, þar af um 40 smíðum og álka mörgum ófaglærðum verkamönnum verður sagt upp fljótlega. Orsökinn er að verkefnið eru ónóg að sögn forráðamanna. Þessara verkamanna bíður ekkert annað en atvinnuleysi, sérstaklega smíðanna. Uppsagnir verkafólks hafa fæst mjög í aukana upp á síðkastið og atvinnulausum hefur fjölgað í desember og það sem af er janúar. Baráttan gegn atvinnuleysi, er eitt af verkefnum verkalýðshreyfingarinnar. Fullfrískt fólk sem er reiðubúið til vinnu, en fær ekkert starf vegna þess að auðherrarnir geta ekki notað vinnuna til að græða á henni, er greinilegt tákni um sjúk-leika auðvaldskerfisins. Þjóðfélagskerfi, sem ekki getur séð þegnum sínum fyrir atvinnu, er deyjandi. Verkalýðshreyfingin verður að heyja harða baráttu fyrir rétti verka fólks til að vinna og gegn uppsögnum og atvinnuleysi. Svo lengi sem auðvaldsþjóðfélagið er við lýði, mun atvinnuleysið fylgja því eins og skugginn, sósíalískt hagkerfi er eina lausnin á meinsemdum auðvaldsins. Stéttabaráttan hvetur verkafólk til að senda sér línu, ef uppsagnir eða brottrekstrar eiga sér stað. Baráttuna gegn atvinnuleysinu verður að skipuleggja.

Til baráttu á grundvelli stéttabaráttu

Kommúnistaflokkur Íslands (m-l) er sameinagaralið allra fram-sækinnna alla á Íslandi. Efling flokksins er höfuðverkefni allra landstæðinga stéttasamvinnu og heimsvaldastefnu, þess vegna skorur við á alla þá sem vilja berjast gegn kúgun auðvaldsins í öllum þess myndum að taka þátt í uppbyggingu flokksins. Tilhlíð reitinn hér fyrir neðan og sendið til KFÍ/ML, pósthólf 1357 Reykjavík

nafn:

heimilisfang:

kaupst. / vís.:

atvinnu:

Miðstjórn KFÍ/ML mun hafa samband við þá sem þess skýja.

Hyggur Sovét á frekari landvinninga?

Þriðja grein

Stjórnlistarleg lega Íslands og útpensla Svétríkjanna á N-Atlantshafi

Útpensla Sovétríkjanna á N-Atlantshafssvæðinu hefur vaxið stórum skrefum á síðustu árum. Á Kólaskaga hafa þeir reist stærstu flota-höfn heimsins, en hún er staðsett í djúpum öngfirði sem gengur inn úr Hvíta-hafinu. Héðan siglir Atlantshafsfloti Sovétríkjanna og honum er sannarlega ekki ætlað neitt varnarhlutverk. Á síðustu árum hafa Sovétmenn byggt risavaxin árásmóðurskip, en slík skip hafa sem kunnugt er þann tilgang einn að flytja árásarvopn að ströndum övina ríkis. Það vakti heims-athygli þegar nýjasta og full-komnasta skip slíkrar tegundar sigldi gegnum Dardanellasund og inn í Miðjarðarhafið, þvert ofan í alþjóðasamþykkt um að slík skip skyldu ekki sigla um sundið. Fyrir rúmu ári fóru fram geysiviðtækar flota-æfingar nýrsta á Atlantshafinu sem báru nafnið OKEAN 75. Tilgangur þessara flotaæfinga var að æfa landgöngu og leiftur áráð á strendur Noregs og Íslands. Ástaðan fyrir áhuga Sovésku sósíalheimsvaldasinnanna á þessu hafssvæði er augljós. Án ítaka á Íslandi og N-Noregi verður Sovéskum flota ekki unnt að sigla greiða leið suður með ströndum Evrópu. Hið sama vakti fyrir Þjóðverjum á árunum fyrir síðari heimsstyrjöldina, floti þeirra jók umsvif sín mikið einmitt á þessu svæði og þeir hertóku Noreg í maí 1940, til þess að tryggja yfirráð sín yfir þessum mikilvægu siglingarleiðum. Aður höfðu þeir gert árangurslausar tilraunir til þess að fá fótfestu á Íslandi. Hingað komu nazískar "kurteisishéimsóknir" með litlu millibili og nazista-stjórnin fór fram á herflugvöll á Íslandi og aðstöðu fyrir Luftwaffe hér. Hið sama verður uppi á teningnum með Sovétríkum þegar fram í sækir. Þegar eru Sovésk "vísindaskip" orðin tíðir gestir í íslenskum höfnum og flotaumsvif Sovétríkjanna undan ströndum Íslands gerast æ meiri með hverju ári. Og Sovésku stríðsherrarnir hafa þegar ljóslega sýnt að þeir skirrast ekki við að heita smáþjóðir yfirgangi, ef hernaðarlegir og heimsvaldasinnar hagsmunir þeirra krefjast þess. Þannig afhenti Sovéski sendiherrann á Íslandi íslensku ríkis-

stjórninni formleg mótmæli fyrir hönd stjórnar sinnar þegar fært var út í 200 sjómílna fiskveiðilögsögu haustið 1975. Þessi afstaða þeirra er í fullu samræmi við skoðanir þeirra á hafréttarmálum, þar sem þeir taka heilshugar undir kröfu bandarísku heimsvaldasinnanna um "siglingafrelsi" og "rétt til vísindalegra rannsóknna". Þessi slagorð þýða þó ekkert annað, en að risaveldin krefjast þess að fá óhindruð að sigla herskipum sínum um heimshöfn og að ströndum annara ríkja. Þau vilja tryggja sjálfum sér réttinn til "vísindalegra rannsóknna" á auðlindum hafsins í þeim tilgangi einum að sölsa undir sig auðlindir annara þjóða. Sovétmenn hafa líka sett fram þá skoðun á alþjóðavettvangi, að þær þjóðir sem væru of fátækar eða illa tækjum búnar til þess að nýta eigin auðlindir, yrðu skyldaðar til þess að leyfa öðrum aðgang að auðlindum sínum, þeim sem þau gætu sjálfar ekki notið sér. Undir fána hinnar alþjóðlegu vinnuskiptingar krefjast Sovésku sósíalheimsvaldasinnarnir réttarins til að rányrkja auðlindir annara þjóða. Þannig eru slagorðin um "rétt til vísindalegra rannsóknna" og "siglingafrelsi" ekkert annað en illa dulbúin krafa um frelsi til arðráns og hernaðarumsvifa á heimshöfunum. Og þegar Sovésk "vísindaskip" og "rannsóknarskip" koma hér til hafnar ber mönnum að hafa þessar staðreyndir í huga. Þau eru hingaðkomin til að undirbúa rækillega gernýtingu á sjávarauðvæm þjóðanna sem búa við N-Atlantshafið, til þess að gera risastórum verksmiðjuskipum sínum kleyft að þurrausa fiskimið annara þjóða. Nýlega opinberaði yfirmaður Sovésku flotans, að togarar og rannsóknarskip væru algerlega undir stjórn flotamála-ráðuneytisins og þjóðuð einnig hernaðarlegum tilgangi, með njósum og á annan hátt. Það hefur lengi verið haft í flimtingum í Morgunblaðinu, að Sovéskir togarar stundi njónstærðir og nú verða menn að viðurkenn réttmæti þessara ásakana. Fyrir rúmu ári síðan fór Sovésku stjórnin fram á að fá aðstöðu fyrir togaraáhafnir sínar á Íslandi og vildi koma hér á fót skipti- og viðgerðarstöð. Skömmu áður hafði kúbönsku stjórninni verið neitað um sömu bön. Íslenska



Tékknesk alþýða sýnir hug sinn til Sovésku "frelsunarinnar".

ríkisstjórnin hafnaði þessari málaleitan, þó svo "vinstri-stjórnin" hafi heimilað A-þýskum útgerðarmönnum áhafnaskipti einu sinni. Í ljósi þess, sem staðfest hefur verið af Sovésku flotamála-ráðuneytinu, að togarar og áhafnir þeirra séu undir stjórn hersins í Sovétríkjunum, var hér í rauninni um annað og meira að ræða, en saklausu skiptistöð fyrir togara. Hér var verið að æska aðstöðu fyrir starfsfólk Sovésku hersins og því gerði Íslenska ríkisstjórnin rétt þegar Lún neitaði þessari umsókn.

Þessi framkoma Sovétríkjanna minnir óþægilegar á áleitni Hitlers-Þýskalands skömmu fyrir síðari heimsstyrjöld.

Sovésku stjórnin hefur líka skipt sér freklega af innanríkismálum á Íslandi. Fyrir skömmu krafðist Sovésku sendiráðið þess opinberlega, að útifundur Kommúnistaflokks Íslands/ML til stuðnings tékkneskri alþýðu, yrði bannaður og kallaði íslensku ríkisstjórnina til ábyrgðar, ef hún færi ekki að þessari kröfu. Ennfremur vísuðu Sovétmenn til Helskín-sáttmálans máli sínu til stuðnings og töldu að útfundurinn væri freklegt brot á honum. Jafnvel bandaríska heimsvaldastefnan hefur ekki gerst svo ósvífin, að krefjast þess opinberlega að starfsemi flokka eða samtaka á Íslandi yrði bönnuð. Vitanlega dylst engum að bandarísku heimsvaldasinnarnir starfa að því að brjóta niður og tvístra "vinstri-hreyfingunni" á Íslandi. En þeir hafa hingað til ekki gengið svo langt að setja fram formlega kröfu um að ákvæði íslensku stjórnarskrárinnar um fundafrelsi

væru brotin. Tilraunir Sovésku sósíalheimsvaldasinnanna til að ógna íslensku ríkisstjórninni og beita hana hótnum í því skyni að banna starfsemi marxista-lenínista hérlandis, sýna berlega skyldleikann við Hitlers-Þýskaland. Helskín-sáttmálinn svokallaði var raunverulega ekkert annað en endurtekning München-samkomulagsins rétt fyrir síðari heimsstyrjöldina. Þar var lögð blessun yfir tangarhald Sovétríkjanna á A-Evrópu og "slökun á spennu" sveif yfir vötnunum. Hver man ekki eftir friðaryfirlýsingum nazista á 4. áratugnum, samhliða geysilegri hervæðingu? Hver hefur gleymt því, að Hitler gerði fjöldann allan af svonefndum "gagnkvæmum ekki-árársamningum" við ríki Evrópu, en kom þeim svo í opna skjöldu með leifturárás, án þess að rjúfa griðarsáttmálann? Enginn sem hefur kynnt sér söguþróun þessa tíma getur gleymt þessu einkenni nazismans og sá hinn sami kemst ekki hjá því heldur að skoða friðartal Sovésku sósíalheimsvaldastefnunnar undir sama sjónarhorni. Verum þess minnug, að Sovétmenn munu jafn óhikað rjúfa "detente-sáttmála" sína við V-Evrópu og þeir rufu bræðralags-sáttmála sína við Tékkóslóvakíu árið 1968. Íslensk alþýða verður að vera vel á varðbergi gagnvart aukinni ásælni Sovésku hernaðarsinnanna. Orsökinn fyrir þessari ásælni er einfaldlega sú, að lega Íslands hefur afgerandi stjórnlistarlegt mikilvægi í komandi ófriði. Þess vegna má líka búast við vaxandi tilraunum Sovétríkjanna til þess að ná hér einhvers konar fótfestu.



... í Stuttu máli

Spænskir endurskoðunarsinnar styðja NATO

Allt síðan Suarez forsætisráðherra Spánar tilkynnti að kosningar yrðu á Spáni, og að hinn endurskoðunarsinnnaði Kommúnistaflokkur Spánar fengi ekki að taka þátt í þeim, hefur Þjóðviljinn í sífelli klifað á baráttu spænskra endurskoðunarsinna. En Carillo, foringi þeirra hefur nýlega opinberað afstöðu flokksins til NATO og forræðis bandarísku heimsvaldastefnunnar á Spáni. Carillo lýsti því yfir nýlega, að hann teldi að Spánn ætti að vera í NATO og að leyfa ætti bandarískum her að hafa herstöðvar á Spáni. Þessi yfirlýsing kemur engum á óvart, sem fylgst hefur með hinna "sögulegu málamiðlun" nútíma endurskoðunarsinna í V-Evrópu upp á sífðastið. Berlinguer-flokkurinn á Ítalíu hefur tekið sömu afstöðu, Franski flokkurinn undir forystu Marchais og endurskoðunarsinnar margra annara Evrópulanda. Á sama tíma og alþýða Spánar er að rísa til baráttu gegn áratuga fasískri kúgun, leggja endurskoðunarsinnar megináhersluna á að þeir fái að "bjóða fram" og reyna að sanna spænski borgarastétt að þeir séu ábyrgir lýræðissinnar. Carillo-flokkurinn afneitar fjöldbaráttunni og leið byltingarinnar, en tekur þess í stað upp stuðning við spænsku borgarastéttina og heimsvaldastefnuna. Spurningin er hvenær Alþýðubandalagsforystan gerir sína "sögulegu málamiðlun" við NATO og bandaríska heimsvaldastefnu. Kannski síðasta vinstri stórnin hafi verið slík málamiðlun?

○

Mannréttindi 77

Nýverið birti hópur fyrrverandi stuðningsmanna Dubceks yfirlýsingu, sem þeir nefna "Mannréttindi 77". Yfirlýsing þessi snýst gegn kúgun Sovéskrar sósíalheimsvaldastefnu á Tékkóslóvakíu og krefst þess að mannréttindum verði komið aftur á í landinu. Allt síðan Sovéski herinn bældi niður með vopnvaldi sjálfstæða þróun Tékkóslóvakíu 1968, hefur öll andstaða verið bæld niður með járnhælum. Viðbrögð ráðamanna við "Mannréttindi 77" eru á sömu lund. Forvígismenn hópsins hafa verið handteknir og fengið þriðju gráðu yfirheyrslu, og sakaðir um endurskoðunarstefnu og landráð. Rude Pravo aðalmál-gagn tékknesku stjórnarinnar hefur harðlega fordæmt starf hópsins og ráðist mjög harkalega gegn starfi hans. En "Mannréttindi 77" er bara ein mynd andstöðunnar sem fer sífellt vaxandi í austan-tjaldslöndunum, andstöðu sem ræðst fyrst og fremst gegn Sovésku kúgunum og leppum þeirra í þessum löndum. Baráttan fyrir lýðræði í Tékkóslóvakíu, er þáttur í baráttunni fyrir sósíalisma og endurreisn alræðis öreiganna í landinu.

KJARASKERÐING LAUNÞEGANS-GRÓÐI ATVINNUREKENDA

mikið. Það er nefnilega ekki meiningin að verkafólk fái að njóta þessara auknu þjóðartekna heldur skulu laun þess lækkuð enn meir.

Helstu kjaraskerðingarnar

Nýtt skattalagafrumvarp hefur verið lagt fram sem breytir skattakúguninni á alþýðunni í engum meginatriðum. Helstu breytingarnar eru þær að skattar þyngjast á hjónum sem bæði eru útvinnaðir. En nóg um það. Besta dæmið um kjaraskerðingarherferð ríkisvaldsins á hendur launmönnum

er aukning neysluskattanna. Á það skal minnt að seinustu tvö ár hefur hækkun á neyslu- og tekjusköttum einstaklings numið 24 þúsund milljónum. Á sama tíma hefur hækkun á félögum aðeins numið 148 milljónum. Á það skal einnig minnt að af 62 milljarða heildartekjum ríkissjóðs í fyrra voru um 50 milljarðar fengnir með óbeinum sköttum, þ.e. sköttum sem lagðir eru beint á neysluvörur almennings.

Þetta hefur leitt til þess að framfærslukostnaður hefur stórkostuð. Þannig er gert ráð fyrir að framfærsluvísitalan verði komin upp í um það bil 680 stig

þann 1. febrúar nk. Þessi sama framfærsluvísitala stóð á 242 stigum þann 1. febrúar 1974. Hækkun framfærslukostnaðar á þessum 3 árum nemur því alls 180%.

Verðhækkanaðskriðan undanfarið

Undanfarið hefur nú alda verðhækkana gengið yfir launafólk. Á aðeins einum mánuði, þ.e. eftir ASÍ þingið hefur stórskríða farið af stað, skríða sem á fáa sína líka. Við skulum taka saman 15 helstu hækkarnar.

1. Póstburðargjöld hækka um 30%.

2. Afnotagjöld af síma hækka um 35% og önnur símgjöld um litlu minna.
3. Mjólk og mjólkurvörur hækka um 5,4-7,9%.
4. Kartöflur hækka um 7%.
5. Hitaveitugjöld hækka um 10%.
6. Rafmagn hækkar um 18% í heildsölu og 14-25% í smásölu.
7. Unnar kjötvörur hækka um 4-7%.
8. Bensín hækkar um 5-6% og gasolífa eitthvað minna.
9. Aðgöngumiðar að kvikmynda húsum hækka um tæp 17%.
10. Öl og gosdrykkir hækka um 5-10%.
11. Kindakjöt hækkar um 6%.
12. Nautakjöt hækkar um 8%.
13. Fargjöld og farmgjöld hjá Skipaúngerð ríkisins hækka um 50%.
14. Tóbak hækkar um 15-16%.
15. Áfengi hækkar um 10%.

MVS/-

Eflum íslenskan iðnað

Hversu oft hefur þessi setning ekki glumið í eyrum fólks. Í útvarpi og sjónvarpi dagblöðum og reyndar allsstaðar þar sem forvígismenn íslensks iðnaðar hafi mátt mæla. Félög og einstaklingar hafa verið fengnir til að bá-súna það hversu íslenskar vörur séu góðar.

En er það svo í reynd að þeir sem tala hæst um mikilvægi þess að efla íslenskan iðnað, hafi áhuga á því? Þessari spurningu verður að svara bæði með já og nei, þ.e. atvinnurekendur hafa aðeins áhuga á að efla íslenskan iðnað ef þeir græða á því. Sökinn í hámarksgróða er þeim meira víði en allt annað. Við skulum líta á nokkur dæmi til að athuga þetta nánar.

Allir muna eftir deilunum sem áttu sér stað milli SÍS-auðvaldsins og sítunar-verksmiðjunnar Loðskinnis á Sauðárkróki. Þar kom í ljós að SÍS vildi ekki selja Loðskinni gærur, vegna þess að þeir sögðust vera búnir að fá svo hagsstæðan samning við Pólverja, er kvæði á um helmingi meiri sölu á hrá-gærum en áður hafði þekkt. Þá átti bara með einu penna-striki að setja Loðskinn á hausinn, vegna þess að þeir fengju ekkert hráefni til vinnslu. Þetta myndi þýða að tugir verkamanna og kvenna myndu tapa vinnunni hjá Loðskinni. Hvaða hagsmunir voru það sem SÍS-herrarnir voru að vernda í þetta sinn? Ekki hagsmunir íslensks iðnaðar, þó þeir gali manna mest um nauðsynina á að efla íslenskan iðnað. Ekki hagsmunir alþýðunnar. Nei fyrir þeim er þetta einungis spurning um hámarksgróða og að tryggja einokunaraðstöðu sína.

Annað dæmi sem er mér skylt, er það að hér í bæ er iðnrekandi sem kemur oft fyrir framan alþjóð uppfullur af frósum og kjaftæði um að það sé skylda hvers og eins



að velja íslenskt. En þessi sami maður berst harðri baráttu fyrir því að setja íslenskt fyrirtæki á hausinn, vegna þess að honum er illa við eigendur þess.

Forsaga málsins er sú, að þessi maður Haukur að nafni var í félagi við annan mann og áttu þeir verksmiðju hér í bænum sem heitir Plastprent. Síðan *SLITNAÐI* upp úr samstarfinu og setti þá hinn á legg aðra plast-verksmiðju sem heitir Plast-Os. Síðan hefst hin æðislega keppni um að ná undir sig markaðnum. Nú vill svo til að sá sem á Plast-Os er stór hluthafi í öðru fyrirtæki sem heitir Etna h/f og framleiðir öltappa fyrir gosdrykkja-verksmiðjurnar hér á landi. Eigandi Plastprent, hefur undanfarnin ár flutt inn tappa, en í það litlum mæli að það hefur lítið komið niður á framleiðslu Etnu, en nú ætlar hann að fara að flytja inn tappa í stórum stíl til þess að keyra niður framleiðsluna hjá Etnu og koma henni á hausinn.

Nú var ég svo óheppinn að vera starfsmaður hjá Etnu h/f, og skömmu fyrir jólin skaut verksmiðjustjórnin verksmiðjustjórnin því að

mér (hann átti óvart leið fram hjá mér og þótti sekmmtilegrí að láta mig vita með fyrirvara) að ég væri rekinn frá og með áramótum. Ég varð að vonum dálítið hissa og hváði eftir ástæðunni fyrir uppsögninni. Jú hún var sú sem framan greinir. Samdráttur í framleiðslunni eins og það heitir á fínu máli.

Hvað gat ég gert? Ekki gat ég haldið því fram að hann ætti að reka einhvern annan fyrst á þeirri forsendu að ég væri búinn að vera þarna lengur, vegna þess að fastir starfsmenn fyrirtækisins eru bara tveir. Og hinn var búinn að vera í sjö ár þarna. Það er rétt að láta það fylgja með þessu greinarkorni að þessir tveir menn, framleiða verðmæti fyrir milli 200-300 þús á dag, þannig að gróði fyrirtækisins er ofboðslegur.

En eins og áður sagði þá er það eina mottóið sem auðvaldsherrarnir þekkja, það er sökinn í hámarksgróða, þannig að ég varð að víkja vegna þess að af þessum 200-300 þús á dag fékk ég um 5 þús. (tæp 2%) og það hefur þeim þótt of mikið.

ghr/verkam.

Fréttatilkynning frá landhelgissamtökunum

Stéttabaráttunni hefur borist fréttatilkynning frá fundi Landhelgissamtakanna sem haldinn var í Lindarbæ 27. nóv. 1977.

Þar segir m.a.:

"Fundurinn mótmælir harðlega öllum samningum við útlendinga og um leið allri ránryrkju á Íslandsmiðum. Fundurinn skorar á ríkisstjórnina að semja ekki um neinar veiðiheimildir til erlendra aðila.

Fundurinn telur að allt tal um gagnkvæmar veiðiheimildir eða gagnkvæma "fiskvernd" sé

einungis lymskulegt bragð af hálfu EBE til að fá samþykki við áframhaldandi veiðum á Íslandsmiðum.

Landhelgissamtökin skora á íslenska alþýðu og þau samtök sem verja vilja hagsmuni hennar og málstað að sitja ekki auðum höndum meðan samningaundirbúningur og samningar eru langt á veg komnir heldur skipuleggja mótmælaaðgerðir og senda yfirlýsingar til ráðamanna."

Stéttabaráttan vikublað

Nú hefur Stéttabaráttan göngu sína sem vikublað. Vissulega eru geysilegir erfiðleikar sem leysa þarf, áður en vikublaðið nær þeirri festu sem það þarf að hafa. Erfiðleikarnir hafa enn aukist við það, að félagar sem áður sátu í Ritnefnd blaðsins, hafa hlaupist á brott og yfirgefið Kommúnistaflokkinn. En útgáfa vikulegs málagns verka-lýðsstéttarinnar þarfnast ekki fyrst og fremst sérfræðinga, þó svo sérþekking og starfsskipting létti starfið mikið að sjálfsögðu. Útgáfa vikublaðsins þarfnast fyrst og fremst náinna tengsla við fjöldann, stöðugrar gagnrýni félaga og stuðningsmanna og pólitískrar stefnu. Félagar flokksins eru fyllilega meðvitaðir um þá erfiðleika sem þetta átak hefur í för með sér, og þeir eru staðráðnir í að takast á við erfiðleikana og leysa úr þeim með baráttu. Vikublaðið er ekki aðeins merkur áfangi fyrir flokkinn, heldur einnig mikilvægt skref fyrir skipulagningu verkalyðsstéttarinnar. Það sem lengi hefur háð baráttu hennar, er að hún á sér engan sam-eiginlegan málsvara, ekkert tæki sem veitt getur upplýsingar um gang baráttunnar á hverjum stað og miðlað reynslunni milli hinna ýmsu hópa stéttarinnar. STÉTTABARÁTTAN getur og mun gegna þessu hlutverki sem vikublað.

Gagnrýni verkafólks er nauðsyn.

Við útgáfu vikublaðsins er ekki bara um einhliða tengsl flokksins við stéttina að ræða. Til þess að tengslin byggi á reynslu og skipulagningu verkafólks, er nauðsynlegt að það láti í sér

heyra, skrifi greinar sem afhjúpa misferli auðvaldsþjóðfélagsins og arðránið bæði á vinnustöðum sem í viðskiptum manna á milli. Verka-fólk verður að gagnrýna blaðið, með það fyrir augum að byggja það upp og gera það að raunverulegu vopni í stéttabaráttunni. Við höfum þegar fengið gagnrýni frá verka-fólki í Straumsvík sem bendir á óeðlilegt hlutfall milli erlendra greina og imlendra í blaðinu. Vissulega er nauðsynlegt að fylgjast með baráttunni út í veröldinni og uppfærða um árangur byltingarbaráttunnar þar. En eins og félagarnir í Straumsvík benda réttilega á, verður blaðið fyrst og fremst að þjóna því hlutverki, að leiða stéttabaráttuna hérlandis. Greinar sem taka fyrir uppsagnir eða brottrekstra greinar sem uppfærða og skilgreina arðránið í skattkerfinu eða vöruverðshækkunum, eru þýðingarmiklar, því þær benda á leið baráttunnar í þessum málum. Alltof oft höfum við farið út í samninga og orðið að horfa á eftir kauphækkunum í súg verð hækkana á eftir, án þess að fá rönd við reist. STÉTTABARÁTTAN sem vikublað, getur betur tengt saman baráttuna en áður og leitt hana til árangurs. Það er verkefni allra félaga og stuðningsmanna blaðsins að tryggja grundvöll vikublaðsins sem allra best og sem allra fyrst. Erfiðleikarnir eru miklir en við vinnum enga orrustu ef við höldum ekki til hennar, ráðin í að sigra. Tökum öll á og herðum róðurinn í uppbyggingu málagns verka-lýðsstéttarinnar - STÉTTABARÁTTUNNAR.

Rauða Stjarnan Bókabúð

Rauða stjarnan selur mikið úrval bóka og blaða frá mörgum löndum. Rauða stjarnan kappkostar að hafa á boðstólum allar fánlegar íslenskar bækur er fjalla um málefni og baráttu verkalyðsins. Ennfremur: hljómplötur, veggspjöld, sjálfbæklingar, kúlupennar og kinnverski te. Komið-skoðið-kaupið. Sendum í póstkrofu um allt land

Rauða Stjarnan
Bókabúð

Lindargötu 15 Reykjavík
Pósthólf 1357 R,

Hverjum þjónar leyndin?

Yfir hinum umfangsmiklu saka-málum, sem komið hafa í dagsljósið undan farin ár, hvílir mikil leynd. Geirfinnsmálið, svokallaða er dægigert fyrir þetta. Í upphafi málsins komst töluverður skriður á rann-sökunina, en um leið og málið fór að tengjast vissum aðilum, m.a. veitingahúsinu Klúbbsnum var eins og kippt væri í spottana. Rannsókn málsins var tekin úr höndum Keflavíkur-lögreglunnar og fengin saka-dómi Reykjavíkur. Langur tími leið þar til málið komst aftur í dagsljósið, fyrst og fremst vegna baráttu blaðamanna og aðila sem ekki störfuðu að rannsókn þess. Á maðan höfðu yfirvöld samband við alsjáendur í Hollandi og Persíu og lögðu megináherslu á að gera málið að dularfullu mannshvarfi. Þegar Guðmundar málið blandaðist síðan inn í málið og framburður vitna leiddi enn til veitingahússins Klúbbsins var enn gripið í taumana. Nú var fenginn þýskur sérfræðingur til rannsóknarstarfars og honum uppalagt að þegja algerlega um gang rannsóknarinnar. Hið eina sem síðan hefur birst,

eru óljósar og oft ósamkvæmar yfirlýsingar sem aðeins varpa ljósi á það, sem áður var almennt vitað, að morð hefði verið framið og að þrír hinna handteknur hefðu átt aðild að morðunum. Hins vegar hafa mörg málsatvik, sem í fyrstu komu fram eða síðar hafa komið fram í sambandi við framburð vitna verið hulin algerri leynd. Tengsl sem talin hafa verið milli málsins og hins svokallaða Leirvoggsárslyss, hafa ekki verið rannsökuð eða skýrð. Rauði Fiat-bíllinn sem lög-reglan lýsti eftir í fyrstu og talinn var tengjast morðinu á Geirfinni Einarssyni, hefur ekkert komið við sögu síðan, þótt fullvíst sé hvar hann var falið meðan leitin fór fram. Þáttur Klúbbsmanna í málinu hefur fallið gleymsku yfirvaldanna að því er virðist og tengslin við ávísana-misferli og svindl hafa ekki verið skýrð. Hverjum þjónar þessi leynd? Og hvers vegna er aðalþunganum beint gegn rannsóknarlögreglu-mönnum 2 sem komið hafa við sögu í öllum þessum málum. Sakadómur telur liggja mest á að rannsaka hvernig þeir komust

að málsatvikum og hvaða aðferð þeir beittu við rannsóknir sínar. Hins vegar liggur ekkert á að rannsaka misferli þeirra sem rannsóknarlögreglumenirnir hafa handtekið. Það mætti geta sér þess til, að rannsóknir þeirra snertu eitthvað kaun stjórnarherranna og að þeir ætli sér að kafa málin niður til að bjarga sér út úr klípunni sem þeir eru í. Alla vegna geta yfirvöldin verið viss um eitt. Geirfinnsmálunum er engan veginn lokið, jafnvel þótt þeim takist að þagga niður í Kristjáni og Hauki. Almennigur á heiming á því, að yfirvöldin hreinsi sig af tengslum við sakamennina eða víki burt að öðrum kosti. Stjórnarherrarnir hafa ekki gert sig líklega til þess að fægja skjöld sinn fyrir almenningi og það geta þeir heldur ekki. Spillingin sem rannsókn Geirfinnsmálanna hefur afhjúpað, er engin undantekning, hún er regla í þjóðfélagi gróðans. Hvarvetna í veröldinni hafa ríkisstjórnir og ráðamenn orðið að viðurkenna þátt sinn í mútugreiðslum, svikum og njósum og öðru misferli. Ríkisstjórn Íslands er áreiðanlega ekki óspjölluð mey í þeim efnum, að rannsaka hvernig þeir komust

svo mikið er víst.